

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), a u vezi s članom 1. stav (2) tačka 3.3 Odluke o usvajanju Politike sektora emitiranja u Bosni i Hercegovini („Službeni glasnik BiH“, broj 18/07), Strategijom prelaska s analogne na digitalnu zemaljsku radiodifuziju u frekvencijskim opsezima 174-230 MHz i 470-862 MHz u Bosni i Hercegovini („Službeni glasnik BiH“, broj 59/09), i Odlukom o uvrštavanju Projekta digitalizacije Javnih radiotelevizijskih servisa Bosne i Hercegovine u Program višegodišnjih kapitalnih ulaganja za period 2011.-2014. godine („Službeni glasnik BiH“, broj 92/11), na prijedlog Ministarstva komunikacija i prometa Bosne i Hercegovine, Vijeće ministara Bosne i Hercegovine na 14. sjednici, održanoj 26. jula 2012. godine i na 26. sjednici, održanoj 12. novembra 2012. godine, donijelo je

## **ODLUKU**

### **o usvajanju Projekta primarne emisione mreže, Digitalnog zemaljskog emitiranja - DVB-T**

#### **Član 1. (Predmet Odluke)**

Ovom Odlukom usvaja se Projekat primarne emisione mreže, Digitalnog zemaljskog emitiranja - DVB-T (u daljem tekstu: Projekat).

#### **Član 2. (Sastavni dio Odluke i objava Projekta)**

Projekat, iz člana 1. ove Odluke čini sastavni dio ove Odluke, a objavit će se na web stranici Ministarstva komunikacija i prometa Bosne i Hercegovine.

#### **Član 3. (Praćenje realiziranja)**

Za realiziranje ove Odluke zadužuju se Ministarstvo komunikacija i prometa Bosne i Hercegovine i Javni radiotelevizijski servisi Bosne i Hercegovine.

#### **Član 4. (Stupanje na snagu)**

Ova Odluka stupa na snagu narednog dana od dana objave u „Službenom glasniku BiH“.

**VM broj 194/12  
12. novembra 2012. godine**

**Sarajevo**

**Predsjedavajući  
Vijeća ministara BiH**

**Vjekoslav Bevanda**